

HERRIEN ESKUBIDEEN ALDEKO KONFERENTZIA. Europako prozesu konstituziogilea eztabaidagai zela, Udalbiltzak Europako Herrien Parlamentua sortzeko beharra plazaratu zuen. Udalbiltzak antolatutako Konferentzia gaur amaituko da.

Europako Herrien Parlamentua osatu beharra plazaratu du Udalbiltzak

Europar herri guztien parte-hartzea ezinbestekotzat jo du, berdintasunaren printzipioan oinarrituta

Pello Urzelai | DONOSTIA

Etorkizunerako beste apustu bat plazaratu zuen, atzo, Udalbiltzak Herrien Eskubideen Aldeko Nazioarteko Konferentzian. Atzoko saioen aztergai nagusietako bat Europako prozesu konstituziogilea izan zen. Prozesu horren aurrean herrien ikuspuntutik hartu beharreko «irizpide gidariak» azaltzeaz gain, beste erronka bat azaldu zuen Udalbiltzak: Europako Herrien Parlamentua osatzeko beharra. Miren Odriozola Udalbiltzako Batzorde Eragileko kideak azaldu zuen Udalbiltzaren ikuspegia arratsaldeko saioan.

Udalbiltzaren ustez, Europa balio demokratikoetan eta askotarikotasunean eraikitzeke «ezinbesteko baldintza da herrien eskubideak aintzat hartzea». Europa berriak, euskubide oro —autodeterminazio eskubidea barne— bermatu beharko luke eta elkarrikteta ahalbidetu beharko luke. Hori horrela izan dadin, herrien esku-hartzea beharrezkotzat jotzen du Udalbiltzak, Miren Odriozolak azaldu zuenez. Europako egungo instituzioak bide horretatik ez doazela ikusirik, herriek beraiek urratsak egin, eta indarrak biltzeko beharra ikusten du Udalbiltzak. Horretarako, honako proposamena azaldu zuen Herrien Eskubideen Aldeko Konferentzian baitan: «Herrien berdintasunaren printzipioan oinarrituz eta herrien elkar ezagutza eta lankidetzaren sustatzeko asmoz, guk Europako Herrien Parlamentua osatzearen egokitasuna adierazten dugu».

Eremu horretan lan egiteko hiru irizpide aipatu zituen Udalbiltzako ordezkariak. Lehenik, subsidiariorotasun eta lurralde kohesio printzipioak herrien aitortzarekin lotzea. Hau da, subsidiariorotasun printzipioa ezartzean herriak hartzea subjektutzat. Bigarrenik, mugaz gaindiko lankidetzaren bi norabidetan ezartzea: Europako herrien arteko harremanak sakontzeko eta «errealitate administratiboetan zatika-



IMANOL OTEGI / ARGAKZI PRESS
Herrien Aldeko Nazioarteko Konferentziako hizlariak eta antolatzaileak talde argazkia egin zuten atzo goizean, oroimen gisa.

PROPOSAMENA

Udalbiltza eta Europa

Europako prozesu konstituziogileari buruz hiru irizpide azaldu eta proposamen bat azaldu zuen atzo Udalbiltzak Herrien Konferentzian.

Europaren bilakaera konstituziogile honetan, herritarrok eta herrien eskubideak aintzat hartzea *conditio sine qua non* bihurtzen da Europa balio demokratiko eta askotarikotasunean eraikitzeke. Europa berri honek, eskubide ororen unibertsaltasunaren bermatzaile, autodeterminazio eskubidea barne, elkarrikteta ahalbidetu beharko du, ziurtasunean biziko diren gizarte irekiak osatuz eta tradizio eta iritzien guztien arteko akordioan oinarrituz. Honenbestez, Europako irizpide gidariak pluraltasunaren euskarri bezala nahi ditugu, alegia:

turiko herrien barneko harremanak ahalbidetzeko». Hirugarrenik, Europako eskualdeak «herriak aintzat hartuta zehaztea».

Europari begira aipatutako

proposamena egin aurretik, Euskal Herriak mendeetan bere burua baieztatzeke eta eratzeko eginiko etengabeko ahaleginak aipatu zituen Miren Odriozolak. Kultura eta hizkuntza arloetan

1. Ildo honetan, subsidiariorotasun eta lurralde kohesio oinarriekin herrien aitortzarekin bat eginen dute.

2. Mugaz gaindiko lankidetzaren ezinbestekoa da Europako herrien harremanak sakontzeko eta hainbat errealitate administratibotan zatikaturiko herrien barneko harremanak ahalbidetzeko.

3. Eskualdeak herriak aintzat hartuta zehaztea beharrezkoa da.

Honengatik guztiagatik, eta batez ere Europako herritarrok, herri ororen parte-hartzea beharrezkotzat jotzen dugu; herrien berdintasunean oinarrituz eta herrien elkar ezagutza eta lankidetzaren sustatzeko asmoz, guk, Europako Herrien Parlamentua osatzearen egokitasuna adierazten dugu.

barne disgregazio politiko-instituzionala» pairatu duelako. Bestetik, Ipar Euskal Herrian Frantziako Estatuaren baitako berezko erakundetzeari heltzeko beharrak «Frantziako betoarekin talka» egin duelako. Udalbiltzaren sorrerarekin, egoera horren aurrean, «autobaietsi, autodefinitu eta autoeratu» printzipioak eremu politikoan aktibatzearekin ekin zitzaion.

Quinan: Udalbiltza europarra

Udalbiltzaren ordezkariaren aurretik, hainbat herritako ordezkariak hitz egin zuten *Europako Konstituzioa eta Herrien Eskubideak* gaiaren inguruan. Horien artean, Lloyd Quinan Eskoziako Legebiltzarreko SNPko kideak Udalbiltzaren proposamenarekin neurri handi batean sintonizatzen zuen hiltzaldia egin zuen. «Europa paralelo bat sortu behar dugu, ez dugu instituzioen legimititatea behar, gure legimitatea herriarengandik dator, erabil dezagun komunitate, alderdi eta jendearen artean loturak eraikitzeke»,

nortasunaren garapenak, Odriozolaren esanetan, ez du parekorik izan eremu politikoan. Batetik, «1978ko konstituzio arrotzari ezetza eman arren, Espainiaren betopean sorturiko